

Broj: 13/06-3-11-30-269-1/2024 S.O.K.
Sarajevo, 14.11.2024. godine

Udruženje "Centar za razvoj medija i analize"
Radićeva 2
71000 Sarajevo
ugcrma@gmail.com
pratimotendere.ba@gmail.com

PREDMET: Zahtjev za ispravku u dijelu detalja i utvrđenog rizika,
dostavlja se

Veza: Vaša objava – Odgovor Portala Pratimo tendere od 13.11.2024. godine

Dana 13.11.2024. godine putem Email-a smo zaprimili Vaš pregled analize postupaka javnih nabavki za period 12.11.2024. 09:00 - 13.11.2024. godine, gdje se između ostalih, nalazi i Vaša analiza postupka javne nabavke Porezne uprave Federacije BiH: „Nabavka licence IronPort mail security“, broj postupka: 1415-1-1-93/24 s oznakom „Srednji stepen rizika“, predmetnog postupka javne nabavke.

Na analizi prikazanoj na Vašoj web stranici, pored pojedinih faza postupka, pod sekcijom „rizici“ sve faze postupka su označene zelenom zastavicom, dok je za fazu evaluacija ponuda stavljena crvena zastavica.

Obzirom da Porezna uprava Federacije BiH promptno reaguje, putem demnatija, na objavu netačnih informacija i navoda, kojom prilikom svaki put naglašavamo da Porezna uprava Federacije BiH podržava zakonit i transparentan rad i da uvijek stoji na raspolaganju za sva pitanja ili nejasnoće, tako i ovaj put, reagujemo na nekorektne i netačne objave Vašeg portala koje narušavaju ugled i integritet ovog Organa.

Kako u Vašoj objavi niste dali nikakvo obrazloženje po osnovu čega je evaluacija ponuda označena na navedeni način, obavještavamo Vas o sljedećem:

Obavještenje o nabavci, broj: 1415-1-1-93-3-132/24 je objavljeno na portalu javnih nabavki 12.09.2024. godine sa Sažetkom Obavještenja o nabavci objavljenim u „Službenom glasniku BiH“, broj: 63/24 od 20.09.2024. godine, a u skladu s odredbama člana 11. stav (8) u vezi sa članom 6. stav (3) i stav (4) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj: 80/22 od 09.12.2022. godine).

Prema Izvještaju o preuzimanju tenderske dokumentacije od strane ponuđača, tendersku dokumentaciju sa portala Agencije za javne nabavke „e-Nabavke“, od datuma objave 12.09.2024. godine, zaključno s krajnjim datumom za preuzimanje tenderske dokumentacije je preuzelo 8 (osam) potencijalnih ponuđača.

Za vrijeme objave predmetnog postupka na Portalu javnih nabavki potencijalni ponuđači nisu tražili pojašnjenja tenderske dokumentacije do datuma do koga je bilo dozvoljeno postavljanje pitanja na Portalu, nakon čega je tenderska dokumentacija postala konačna i obavezujuća za ponuđače i Ugovorni organ u smislu člana 101. stav (7) Zakona o javnim nabavkama, obzirom da niti jedan od potencijalnih ponuđača nije osporio ili doveo u pitanje bilo koju odredbu predmetne tenderske dokumentacije u propisanom roku iz člana 101. stav (1) alineja a) Zakona o javnim nabavkama.

Po navedenom Obavještenju o nabavci za predmetni postupak javne nabavke u određenom krajnjem roku definisanim tačkom IV 7. Obavještenja o nabavci i tačkom 4.9 tenderske dokumentacije (03.10.2024. godine do 08:30^h) blagovremeno je dostavljena i zaprimljena 1 (jedna) ponuda.

Nakon javnog otvaranja ponuda Komisija Ugovornog organa je pristupila pregledu i ocjeni ponuda te o tome sačinila odgovarajući zapisnik u kojem je utvrđeno sljedeće: da je blagovremeno zaprimljena 1 (jedna) ponuda u određenom krajnjem roku; da nije bilo neblagovremeno zaprimljenih ponuda; da je zaprimljena ponuda ponuđača „ARTCO GROUP“ d.o.o. Sarajevo prihvatljiva u skladu s članom 2. stav (1) tačka I) alineja 1) Zakona o javnim nabavkama i da ispunjava postavljene zahtjeve Ugovornog organa definisane tenderskom dokumentacijom, te je navedenom ponuđaču dozvoljeno dalje učešće u predmetnom postupku javne nabavke.

Tačkom 7. tenderske dokumentacije predmetnog postupka javne nabavke i Obavještenjem o nabavci za predmetnu javnu nabavku je predviđeno provođenje e-Aukcije. Kako je u predmetnom postupku zaprimljena samo jedna ponuda koja je ocijenjena prihvatljivom, e-aukcija se nije mogla zakazati u skladu s članom 4. stav (2) Pravilnika o uslovima i načinu korištenja e-Aukcije.

Shodno naprijed navedenom, ponuda ponuđača „ARTCO GROUP“ d.o.o. Sarajevo je ocijenjena prihvatljivom, kvalificiranom i prvorangiranom u skladu sa zahtjevima Ugovornog organa iz tenderske dokumentacije.

Ističemo da je Ugovorni organ obavezan postupati isključivo u skladu sa Zakonom o javnim nabavkama, te relevantnim podzakonskim aktima u oblasti javnih nabavki.

Ovakvim nepromišljenim i neargumentovanim objavama narušavate ugled ovog organa uprave, te zahtijevamo da izvršite ispravku u dijelu rizika za fazu postupka koju ste označili crvenom zastavicom.

Nadalje, molimo Vas, da nam shodno Vašoj objavi, obrazložite zbog čega je predmetni postupak označen sa “*Srednji stepen rizika*” i šta je po Vašem stručnom mišljenju sporno u fazi evaluacije ponuda, da bi ista bila okarakterisana kao takva, obzirom da Porezna uprava Federacije BiH postupa isključivo u skladu sa Zakonom o javnim nabavkama.

Shodno naprijed navedenom, još jednom ističemo da stojimo na raspolaganju Vašem timu za sve informacije i pojašnjenja, a sve u cilju što objektivnijeg i vjerodostojnijeg informisanja javnosti. Iz Vaših ishitrenih i neprovjerenih objava se naslućuje da niste svjesni štete koju nanosite ugledu i integritetu Porezne uprave Federacije BiH.

S poštovanjem,

Dostavljeno:

- Naslovu
- a/a

ZAMJENIK DIREKTORA

Slobodan Vukoja, dipl.oec.

